

Broj: 01-01.3-2926-13/17 AZ

Datum: 23.11.2017. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 15. Pravilnika o javnim nabavkama JP Autoceste FBiH d.o.o. Mostar i preporuke Komisije za javne nabavke konstatirane u Zapisniku o pregledu i ocjeni ponuda broj 01-01.3-2926-12/17 AZ od 23.11.2017. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

**ODLUKU**  
**o izboru najpovoljnijeg ponuđača**  
**u postupku dodjele ugovora iz Aneksa II. Dio B Zakona**  
**„Konsultantske usluge FIDIC savjetnik za projekte građenja“**

I

Ugovor za nabavku usluga „Konsultantske usluge FIDIC savjetnik za projekte građenja“ u vrijednosti od 291.330,00 KM sa uračunatim PDV-om se dodjeljuje ponuđaču: Advokatsko društvo „ADEMOVIĆ, NOŽICA I PARTNERI“ d.o.o. Sarajevo koji je dostavio prihvatljivu ponudu sa najnižom cijenom.

II

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba) i to istovremeno s upućivanjem Odluke ponuđaču koji je učestvovao u postupku nabavke.

**Obrazloženje**

Ugovorni organ je pokrenuo postupak dodjele ugovora na čiju dodjelu se primjenjuje poseban režim u skladu sa članom 8. Zakona o javnim nabavkama („Sl. glasnik BiH“ broj: 39/14"), te je u skladu sa Pravilnikom o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ broj: 66/16) uputio pismeni poziv za dostavu ponuda za nabavku usluga: Konsultantske usluge FIDIC savjetnik za projekte građenja“.

Ugovorni organ je objavio poziv za dostavu ponuda na svojoj web stranici dana 29.09.2017. godine, te Poziv uputio na pet adresa. Na osnovu poziva svoju ponudu je, do roka traženog u pozivu za dostavljanje ponuda, dostavio samo jedan ponuđač i to:

- Advokatsko društvo „ADEMOVIĆ, NOŽICA I PARTNERI“ d.o.o. Sarajevo sa ukupnom ponuđenom cijenom 291.330,00 KM sa uračunatim PDV-om.

Kriterij za dodjelu ugovora je „najniža cijena“.

Komisija je prema članu 65. ZJN pristupila pregledu i ocjeni ponude, što je evidentirano u Zapisniku o pregledu i ocjeni ponuda, koji je sastavni dio ove Odluke.



AS

Shodno prijedlogu Komisije za javne nabavke ugovor za nabavku usluga „Konsultantske usluge FIDIC savjetnik za projekte građenja“ u vrijednosti od 291.330,00 KM sa uračunatiim PDV-om se dodjeljuje ponuđaču: Advokatsko društvo „ADEMOVIĆ, NOŽICA I PARTNERI“ d.o.o. Sarajevo koji je dostavio prihvatljivu ponudu sa najnižom cijenom.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

#### **Pouka o pravnom lijeku:**

Protiv ove Odluke može se uputiti žalba u roku od trideset (30) dana od dana objave obavještenja o dodjeli ugovora.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**izvršni direktor  
za projektovanje i građenje**

.....  
**dr. Jasmín Bučo**

**direktor**

.....  
**Adnan Terzić, dipl.ing.**



Broj: 01-01.3-2926-12/17 AZ

Datum: 23.11.2017. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 10. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ br. 104/14) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

## ZAPISNIK O PREGLEDU I OCJENI PONUDA

- Naziv i sjedište ugovornog organa:** JP „Autoceste FBiH“ d.o.o. Mostar;
- Predmet nabavke:** Nabavka usluga „Konsultantske usluge FIDIC savjetnik za projekte građenja“;
- Vrsta postupka javne nabavke:** Postupak nabavke na koji se primjenjuje poseban režim shodno članu 8. Zakona o javnim nabavkama („Službeni glasnik BiH“, broj: 39/14);
- Broj nabavke:** 01-01.3-2926-1/17 AZ;
- Podaci o objavi:** Poziv objavljen na web stranici Ugovornog organa dana 29.09.2017. godine i poslan na pet adresa;
- Kriterij za dodjelu ugovora:** „najniža cijena“
- Procijenjena vrijednost nabavke bez PDV-a:** 250.000,00 KM;
- Datum početka pregleda i ocjena ponuda:** 16.10.2017. godine;
- Naziv i sjedište svih ponuđača, prema redoslijedu zaprimanja ponuda:**
  - Advokatsko društvo „ADEMOVIĆ, NOŽICA I PARTNERI“ d.o.o. Sarajevo sa ukupnom ponuđenom cijenom 291.330,00 KM sa uračunatim PDV-om
- Podaci o pojašnjenju u skladu sa članom 68. stav (3) Zakona:** Nije traženo pojašnjenje ponude;
- Podaci o pregovaranju:** Pregovori su vršeni u jednom krugu. Nakon obavljenih pregovora, u skladu sa postignutim dogovorom, ponuđač je dostavio dodatnu dokumentaciju, a zatim i nakon zahtjeva za pojašnjenje dostavio je i Potvrdu od Suda BiH kojom se dokazuje ispunjavanje uvjeta iz člana 7.2.3. a) Poziva za dostavljanje ponude. Zapisnik o pregovorima je sastavni dio ovog zapisnika.
- Prijedlog direktoru JP „Autoceste FBiH d.o.o. Sarajevo za donošenje odluke o dodjeli ugovora:** Shodno gore navedenom predlaže se direktoru Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar da za





nabavku usluga „Konsultantske usluge FIDIC savjetnik za projekte građenja“ donese sljedeću odluku:

Ugovor za nabavku usluga „Konsultantske usluge FIDIC savjetnik za projekte građenja“ u vrijednosti od 291.330,00 KM sa uračunatim PDV-om se dodjeljuje ponuđaču: Advokatsko društvo „ADEMOVIĆ, NOŽICA I PARTNERI“ d.o.o. Sarajevo koji je dostavio prihvatljivu ponudu sa najnižom cijenom.

13. **Datum završetka pregleda i ocjena:** 23.11.2017. godine;

14. **Ime i prezime osoba koje su izvršile pregled i ocjenu ponuda:**

Članovi komisije:

Melika Alajbegović, predsjednik komisije

Aida Zeba, član komisije

Amir Šikalo, član komisije

Za sekretara Komisije imenovana je Adila Salčinović.

*Alajbegović*  
.....  
*Zeba*  
.....  
*Šikalo*  
.....

15. Popis priloga uz zapisnik (zahtjevi za pojašnjenjem ponuda, zahtjevi za dostavu originala ili ovjerenih kopija traženih dokumenata, zahtjevi za prihvatanje ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili nezavisne stručne osobe ili sl.):

1. Zapisnik o provođenju pregovora broj: 01-01.3-2926-7/17 AZ od 24.10.2017. godine
2. Pojašnjenje dostavljene dokumentacije broj: 01-01.3-2926-9/17 AZ od 21.11.2017. godine
3. Potvrda Suda BiH od 22.11.2017. godine

Saglašan:

.....  
Adnan Terzić, dipl.ing.  
direktor



*ST*

Broj: 01-01.3-2926-7/17 AZ  
Datum: 24.10.2017. godine

U skladu sa članom 9. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ br. 66/16) Komisija dostavlja:

### ZAPISNIK O PROVOĐENJU PREGOVORA

Sastavljen dana 24.10.2017. godine u 09:00 sati u sali JP „Autoceste Federacije BiH“ d.o.o. Mostar, Operativni ured na adresi Dubrovačka 6 u Sarajevu, u postupku za dodjelu ugovora o uslugama iz Aneksa II. Dio B Zakona o javnim nabavkama za pružanje usluga: „Konsultantske usluge – FIDIC savjetnik za projekte građenja“.

Sastanku prisustvuju svi članovi komisije imenovane rješenjem broj: 01-01.3-2926-2/17 AZ od 09.10.2017. godine kako slijedi:

Melika Alajbegović – predsjednik Komisije  
Aida Zeba – član Komisije  
Amir Šikalo – član Komisije  
Adila Salčinović – sekretar Komisije

te predstavnik ponuđača kako slijedi:

Nedim Ademović – direktor advokatskog društva „Ademović, Nožica i partneri“

Ugovorni organ je pokrenuo postupak dodjele ugovora na čiju dodjelu se primjenjuje poseban režim u skladu sa članom 8. Zakona o javnim nabavkama („Sl. glasnik BiH“ broj: 39/14“), te je u skladu sa Pravilnikom o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ broj: 66/16) dana 29.09.2017. godine uputio pismeni Poziv za dostavu ponuda za nabavku usluga: „Konsultantske usluge – FIDIC savjetnik za projekte građenja“ na pet adresa, te isti istovremeno objavio na web stranici preduzeća.

Na osnovu Poziva svoju ponudu je, do roka traženog u pozivu za dostavljanje ponuda, dostavio samo jedan ponuđač i to:

- Advokatsko društvo „Ademović, Nožica i partneri“ društvo sa ograničenom odgovornošću Sarajevo

Nakon pregleda dostavljene ponude, Komisija za javnu nabavku je u skladu sa članom 9. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama pozvala ponuđača na pregovore, te prije provođenja pregovora pripremila spisak pitanja za ponuđača. Pregovori su zakazani i održani dana 24.10.2017. godine sa početkom u 09:00 sati, u sali Operativnog ureda u Sarajevu.

1. Komisija za nabavke je upoznala predstavnika ponuđača., gosp. Ademovića da je nakon zaprimanja ponude ponuđača broj 07-10/2017 za nabavku predmetnih usluga izvršila pregled i ocjenu iste, te da ponuda sadrži određene nedostatke. Naime, Ponuđač je u sklopu ponude dostavio i dokumente o ispunjavanju člana 45. Zakona o javnim nabavkama



AD



(„Službeni glasnik BiH“ broj 39/14), te iako iste nije obavezan dostavljati uz ponudu (dostavlja ih izabrani ponuđač u roku od 5 dana od dana prijema odluke o dodjeli ugovora), Komisija je iste pregledala te konstatirala da dostavljeno Uvjerenje Općinskog suda u Sarajevu broj: 065-01-SU-17-004592 od 20.09.2017. godine, nije u skladu sa postavljenim uvjetom iz tačke 7.2.1. a) Poziva za dostavu ponude, te da kao takvo nije prihvatljivo za Ugovorni organ. Također, ponuđač je dostavio potvrde o uspješnoj realizaciji najmanje tri pravna posla (parnice, upravni sporovi, sastav ugovora, medijacija i sl.) čija je minimalna vrijednost pravnog posla 250.000,00 KM, međutim propustio je da dostavi spisak izvršenih ugovora, kako je to zahtijevano u tački 7.3.2 Poziva za dostavu ponude. Nadalje, Ponuđač je u svrhu ispunjavanja uvjeta iz tačke 7.3.1 d) dostavio sve dokaze navedene u tački 7.3.2 izuzev popunjenog Aneksa 9.

Na osnovu navedenog dogovoreno je da Ponuđač, dostavi sljedeće dokumente:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca (tačka 7.2.3 a) Poziva za dostavu ponude)
  - Spisak izvršenih ugovora (tačka 7.3.2 a) Poziva za dostavu ponuda)
  - Aneks 9 (tačka 7.3.2 d) Poziva za dostavu ponude)
2. Što se tiče samog načina pružanja predmetne usluge, odnosno izvršenja ugovora, gosp. Ademović je istakao značaj komunikacije između predstavnika Ugovornog organa i Ponuđača, odnosno važnost pripreme svih relevantnih dokumenata i podataka, te blagovremno dostavljanje istih. Na sam nacrt ugovora predstavnik Ponuđača nije imao primjedbi.
3. Na upit Komisije o mogućnosti odobrovanja eventualnog popusta na ponuđenu cijenu, gosp. Ademović je pojasnio da je pružanje predmetnih usluga specifično i kompleksno, te da ni sam nije siguran šta ih sve u predmetnoj nabavci očekuje, kao i da su troškovi angažiranja eksperta za claim management prema FIDIC ugovorima izuzetno visoki, te da iz navedenih razloga nisu u mogućnosti da odobre popust.

Na kraju pregovara dogovoreno je da ponuđač dokumente iz tačke 1. ovog zapisnika dostavi najkasnije do 03.11.2017. godine do 16:00 sati, te da će isti biti sastavni dio njihove ponude br. 07-10/2017 od 13.10.2017. godine, odnosno da će se ista smatrati konačnom ponudom.


Strane zajednički potpisuju ovaj Zapisnik:

Članovi komisije:

Melika Alajbegović – predsjednik Komisije

Aida Zeba – član Komisije

Amir Šikalo – član Komisije



Za sekretara komisije imenovana je Adila Salčinović.

Predstavnik ponuđača:

Nedim Ademović – direktor advokatskog društva „Ademović, Nožica i partneri“

Advokatsko društvo  
„ADEMOVIĆ, NOŽICA I PARTNERI“  
d.o.o., Sarajevo  
Ul. Maršala Tita br. 50/IV



Identifikacijski broj 4227691540005 PDV broj 227691540005

Glavni račun: Union banka Sarajevo 1020010000014039

Transakcijski račun: Raiffeisen bank dd Sarajevo, glavna filijala Mostar 1610200062470038

Federalna taksa za korištenje autoceste: 1610200062470232 i 3386902296565422

Naknada za korištenje cestovnog zemljišta: 1610200062470135 i 3386902296564549



Broj: 01-01.3-2926-9/17 AZ  
Datum: 21.11.2017. godine

**Advokatsko društvo „ADEMOVIĆ, NOŽICA I PARTNERI“ d.o.o. Sarajevo**  
Titova 50/IV  
fax: 033 411 123  
e-mail: [info@anp.ba](mailto:info@anp.ba)

Predmet: Pojašnjenje dostavljene dokumentacije u postupku dodjele ugovora koji za predmet javne nabavke ima usluge iz Aneksa II. Dio B ZJN – Konsultantske usluge FIDIC savjetnik za projekte građenja

Poštovani,

Dana 02.10.2017. godine zaprimljena je dodatna dokumentacija, dostavljena na osnovu pregovora održanih dana 24.10.2017. godine u prostorijama Ugovornog organa, za gore navedeni postupak.

Komisija za nabavke, imenovana Rješenjem 01-01.3-2926-2/17 AZ od 09.10.2017. godine, pristupila je pregledu istih te konstatirala da je dostavljeno Uvjerenje Općinskog suda u Sarajevu broj: 65 0 Kr 12834 17 od 24.10.2017. godine sadržinski drugačije od uvjerenja koja je sud ranije izdavao, te da nije u skladu sa tačkom 7.2.3 a) Poziva za dostavu ponuda, odnosno istim se ne dokazuje ispunjavanje uvjeta propisanog u članu 45. stav (1) tačka a) (Lična sposobnost) Zakona o javnim nabavkama.

Komisija je izvršila provjere i utvrdila da su Pravilnikom o izmjenama i dopunama pravilnika o unutrašnjem sudskom poslovanju ("Službeni glasnik BiH" broj 54/17 i 60/17) propisani i obrasci za izdavanje uvjerenja o nevođenju krivičnog postupka. Također, u dopisu Općinskog suda u Sarajevo broj: 065-0-SU-RZ-17-000278 od 03.11.2017. godine, između ostalog stoji, da stupanjem na snagu navedenog Pravilnika i njegovom primjenom prestala praksa izdavanja uvjerenja sa sadržajem teksta: "u krivičnom postupku nije izrečena pravosnažna presuda kojom je osuđeno za krivično djelo učešća u kriminalnoj organizaciji, za korupciju, prevaru ili pranje novca, a sve u smislu člana 45. stav 2. tačka a. Zakona o javnim nabavkama u Bosni i Hercegovini ("Službeni glasnik BiH" broj 39/14)".

Shodno gore navedenom molimo vas da nam što hitnije, dostavite uvjerenje/potvrdu koje sadrži podatke kako je propisano članom 45. stav (2) tačka a) ZJN, odnosno u skladu sa tačkom 7.2.3 a) Poziva za dostavu ponuda, onog nadležnog organa (suda) koji izdaje uvjerenje sa traženim podacima iz člana 45. stav (2) tačka a) Zakona, a prema našim saznanjima to je Sud BiH.

S poštovanjem,

  
direktor  
Adnan Terzić, dipl.ing.







Bosna i Hercegovina

Босна и Херцеговина



**Sud Bosne i Hercegovine  
Суд Босне и Херцеговине**

Su: 03-3408/17

Sarajevo, 22.11.2017. godine

Na osnovu člana 36. stav 1. Poslovnika o radu Suda Bosne i Hercegovine („Službeni glasnik BiH“ br. 82/05), a na zahtjev ADVOKATSKO DRUŠTVO „ADEMOVIĆ, NOŽICA I PARTNERI“ SARAJEVO, izdaje se:

**POTVRDA**

Kojom se potvrđuje da protiv pravnog lica Advokatsko društvo „Ademović, Nožica i Partneri“ Sarajevo, nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca pred Sudom Bosne i Hercegovine.

Potvrda se izdaje na osnovu službene evidencije, a služi u svrhu učešća na tenderima, te se u druge svrhe ne može koristiti.



-----  
Sud Bosne i Hercegovine, Sarajevo, ul. Kraljice Jelene br. 88;  
Telefon ++ 387 33 707 100, 707 596, 707 597; Fax: ++ 387 33 707 359

A small, handwritten mark or signature in blue ink located in the bottom right corner of the page.